

慧日佛學班第 08 期

# 《大智度論》卷 49

〈釋發趣品第二十〉  
(大正 25, 409c19-416a22)

釋厚觀 (2010.03.06)

【經】

一、答第一問：何等是「摩訶衍」(承上卷 46〈18 釋摩訶衍品〉～卷 48)

二、答第二問：云何發趣大乘<sup>1</sup>

(一)略答：以無所著、無所得行六度、歷十地，是名發趣大乘

佛告須菩提：「汝問：『云何菩薩摩訶薩大乘發趣？』<sup>2</sup>若菩薩摩訶薩行六波羅蜜時，從一地至一地，是名菩薩摩訶薩大乘發趣。」<sup>3</sup>

須菩提白佛言：「世尊！云何菩薩摩訶薩從一地至一地？」

佛言：「菩薩摩訶薩知一切法無來去相，亦無有法若來若去、若至若不至，諸法相不滅故。菩薩摩訶薩於諸地不念、不思惟而修治地業，亦不見地。」<sup>4</sup>

(二)十地發趣

1、標列

何等菩薩摩訶薩(410a)治地業？

(1)初地：行十事

菩薩摩訶薩住初地時，行十事：一者、深心堅固，是不可<sup>5</sup>得故；<sup>6</sup>二者、於一切眾生中等心，眾生不可<sup>7</sup>得故；三者、布施<sup>8</sup>，與人、受人不可得故；四者、親<sup>9</sup>近善

<sup>1</sup> (1) 參見《大智度論》卷 46〈18 摩訶衍品〉：「爾時，須菩提白佛言：『世尊！<sup>(1)</sup>何等是菩薩摩訶薩摩訶衍？<sup>(2)</sup>云何當知菩薩摩訶薩發趣大乘？<sup>(3)</sup>是乘發何處？是乘至何處？<sup>(4)</sup>當住何處？<sup>(5)</sup>誰當乘是乘出者？』」(大正 25, 393b2-5)

(2) 另參見《摩訶般若波羅蜜經》卷 5〈18 問乘品〉(大正 8, 250a2-5)。

(3) 其中第一問「何等是菩薩摩訶薩摩訶衍」，參見《大智度論》卷 46～卷 48(〈18 摩訶衍品〉、〈19 四念處品〉)(大正 25, 393b5-409c15)。第二問「云何菩薩摩訶薩發趣大乘」，自此處開始，參見《大智度論》卷 49～卷 50〈20 發趣品〉(大正 25, 409c23-419c12)。第三問「是乘發何處，是乘至何處」，參見《大智度論》卷 50〈21 出到品〉(大正 25, 419c12-421a18)。第四問「當住何處」，參見《大智度論》卷 50〈21 出到品〉(大正 25, 421a19-b11)。第五問「誰當乘是乘出者」，參見《大智度論》卷 50〈21 出到品〉(大正 25, 421b124-422a15)。

<sup>2</sup> 參見《摩訶般若波羅蜜經》卷 5〈18 問乘品〉：「爾時，須菩提白佛言：『世尊！<sup>(1)</sup>何等是菩薩摩訶薩摩訶衍？<sup>(2)</sup>云何當知菩薩摩訶薩發趣大乘？<sup>(3)</sup>是乘發何處？是乘至何處？<sup>(4)</sup>當住何處？<sup>(5)</sup>誰當乘是乘出者？』」(大正 8, 250a2-5)

<sup>3</sup> 《大般若波羅蜜多經》卷 415〈18 修治地品〉：「復次，善現！汝問『齊何當知菩薩摩訶薩發趣大乘』者，若菩薩摩訶薩修行六種波羅蜜多時，從一地趣一地，齊此當知菩薩摩訶薩發趣大乘。」(大正 7, 82b21-24)

<sup>4</sup> 《大般若波羅蜜多經》卷 415〈18 修治地品〉：「善現！若菩薩摩訶薩知一切法無所從來亦無所趣。何以故？善現！以一切法無去無來、無從無趣，由彼諸法無變壞故。善現！是菩薩摩訶薩於所從趣地不恃、不思惟，雖修治地業而不見彼地。是為菩薩摩訶薩修行六種波羅蜜多時，從一地趣一地。」(大正 7, 82b25-c2)

<sup>5</sup> 是不可=用無所【石】。(大正 25, 410d, n.2)

知識，亦不自高；五者、求法，一切法不可得故；六者、常出家，家不可得故；七者、愛樂佛身，相好不可得故；八者、演出法教，諸法分別不可得故；九者、破憍慢法，生慧不可得故；<sup>10</sup>十者、實語，諸語不可得故。菩薩摩訶薩如是初地中住，修治十事治地業。

**(2) 第二地：滿足八法**

復次，須菩提！菩薩摩訶薩住二<sup>11</sup>地中，常念八法。何等八？一者、戒清淨，二者、知恩報恩，三者、住忍辱，四者、受歡喜，五者、不捨一切眾生，六者、入大悲心，七者、信師恭敬諮受<sup>12</sup>，八者、勤求諸波羅蜜。須菩提！是名菩薩摩訶薩住二地中，應滿足八法。

**(3) 第三地：滿足五法**

復次，須菩提！菩薩摩訶薩住三地中行五法。何等五？一者、多學問無厭足，二者、淨法施亦不自高，三者、莊嚴<sup>13</sup>佛國土亦不自高，四者、受世間無量勤苦不以為厭，五者、住慚愧處。須菩提！是名菩薩摩訶薩住三<sup>14</sup>地中應滿足五法。

**(4) 第四地：不捨十法**

復次，須菩提！菩薩摩訶薩住四地中應受行不捨十法。何等十？一者、不捨阿練若住處，二者、少欲，三者<sup>15</sup>知足，四<sup>16</sup>者、不捨頭陀功德，五<sup>17</sup>者、不捨戒<sup>18</sup>，六<sup>19</sup>者、穢惡<sup>20</sup>諸欲<sup>21</sup>，七<sup>22</sup>者、厭世間心，八<sup>23</sup>者、捨一切所有，九<sup>24</sup>者、心不沒<sup>25</sup>，十者、不惜一切物。須菩提！是名<sup>26</sup>菩薩摩訶薩住第四地中不捨十法。

<sup>6</sup> 《大般若波羅蜜多經》卷 415〈18 修治地品〉：「一者、以無所得而為方便，修治增上意樂業，利益事相不可得故。」（大正 7，82c4-5）

<sup>7</sup> 不可=以無所【石】。（大正 25，410d，n.3）

<sup>8</sup> 布施=捨心【宋】【元】【明】【宮】【聖】。（大正 25，410d，n.4）

<sup>9</sup> 〔親〕—【宋】【宮】【聖】。（大正 25，410d，n.5）

<sup>10</sup> （1）參見《光讚經》卷 7〈18 蜜十住品〉：「棄除貢高，則於諸法而無所著。」（大正 8，196b19-20）

（2）《放光般若經》卷 4〈21 治地品〉：「九者、常欲減於虜怙<sup>※</sup>自用不有法財。」（大正 8，27a27-28）

※怙=扈【元】【明】。（大正 8，27d，n.5）

（3）參見《大般若波羅蜜多經》卷 415〈18 修治地品〉：「九者、以無所得而為方便，修治破憍慢業，諸興盛法不可得故。」（大正 7，82c16-17）

<sup>11</sup> （第）+二【石】。（大正 25，410d，n.7）

<sup>12</sup> 諮受：請教，承受。（《漢語大詞典》（十一），p.350）

<sup>13</sup> 莊嚴=淨【石】。（大正 25，410d，n.9）

<sup>14</sup> （第）+三【石】。（大正 25，410d，n.11）

<sup>15</sup> 〔三者〕—【宋】【宮】。（大正 25，410d，n.12）

<sup>16</sup> 四=三【宋】【宮】。（大正 25，410d，n.13）

<sup>17</sup> 五=四【宋】【宮】。（大正 25，410d，n.14）

<sup>18</sup> 戒+（不取戒相）【宋】【元】【明】【宮】。（大正 25，410d，n.15）

<sup>19</sup> 六=五【宋】【宮】。（大正 25，410d，n.16）

<sup>20</sup> 惡=污【宋】【元】【宮】。（大正 25，410d，n.17）

<sup>21</sup> 《大般若波羅蜜多經》卷 415〈18 修治地品〉：「六者、於諸欲樂深生厭離。」（大正 7，83a9-10）

<sup>22</sup> 七=六【宋】【宮】。（大正 25，410d，n.18）

**(5) 第五地：遠離十二法**

復次，須菩提！菩薩摩訶薩住五地中遠離十二法。何等十二？一者、遠離親白衣，二者、遠離比（410b）丘尼，三者、遠離慳惜他家，四者、遠離無益談處<sup>27</sup>，五者、遠離瞋恚，六者、遠離自大，七者、遠離蔑<sup>28</sup>人，八者、遠離十不善道，九者、遠離大慢，十者、遠離自用<sup>29</sup>，十一者、遠離顛倒，十二者、遠離婬怒癡。須菩提！是為<sup>30</sup>菩薩摩訶薩住五<sup>31</sup>地中遠離十二事。<sup>32</sup>

**(6) 第六地：應具足六法，不應行六法**

復次，須菩提！菩薩摩訶薩住六地中當具足六法。何等六？所謂六波羅蜜。復有六法所不應為。何等六？一者、不作聲聞、辟支佛意，二者、布施不應生憂心，三者、見有所索心不沒，四者、所有物布施，五者、布施之後心不悔，六者、不疑深法。須菩提！是名菩薩摩訶薩住六<sup>33</sup>地中應具足六法，遠離六法。

**(7) 第七地：不應著二十法，應具足滿二十法**

復次，須菩提！菩薩摩訶薩住七地中二十法所不應著。何等二十？一者、不著我，二者、不著眾生，三者、不著壽命，四者、不著眾數乃至知者、見者；五者、不著斷見，六者、不著常見；七者、不應作相，八者、不應作因見；九者、不著名色；十者、不著五眾，十一者、不著十八界，十二者、不著十二入；十三者、不著三界；十四者、不作著處；十五者、不作所期處，十六者、不作依處；十七者、不著依佛見，十八者、不著依法見，十九者、不著依僧見，二十者、不著依戒見。是二十法所不應著。<sup>34</sup>

<sup>23</sup> 八=七【宋】【宮】。（大正 25，410d，n.19）

<sup>24</sup> 九=八【宋】【宮】。（大正 25，410d，n.20）

<sup>25</sup> 沒+（九者不生二識處）【宋】【宮】。（大正 25，410d，n.21）

<sup>26</sup> 是名=是為【宋】【宮】，=名【聖】。（大正 25，410d，n.22）

<sup>27</sup> 處=說【宋】【明】【宮】。（大正 25，410d，n.23）

<sup>28</sup> 蔑（𠂔一𠂔）：2.輕視，侮慢。（《漢語大詞典》（九），p.536）

<sup>29</sup> 自用：自行其是，不接受別人的意見。（《漢語大詞典》（八），p.1309）

<sup>30</sup> 為=名【元】【明】。（大正 25，410d，n.24）

<sup>31</sup> （第）+五【石】。（大正 25，410d，n.25）

<sup>32</sup> 《大般若波羅蜜多經》卷 415〈18 修治地品〉：「復次，善現！諸菩薩摩訶薩住第五地時，應遠離十法。云何為十？一者、應遠離居家，二者、應遠離苾芻尼，三者、應遠離家慳，四者、應遠離眾會忿諍，五者、應遠離自讚毀他，六者、應遠離十不善業道，七者、應遠離增上傲慢，八者、應遠離顛倒，九者、應遠離猶豫，十者、應遠離貪、瞋、癡。善現！諸菩薩摩訶薩住第五地時，應常遠離如是十法。」（大正 7，83a13-21）

<sup>33</sup> （第）+六【石】。（大正 25，410d，n.26）

<sup>34</sup> 《大般若波羅蜜多經》卷 415〈18 修治地品〉：「復次，善現！諸菩薩摩訶薩住第七地時，應遠離二十法。云何二十？一者、應遠離我執乃至見者執，二者、應遠離斷執，三者、應遠離常執，四者、應遠離相想執，五者、應遠離見執，六者、應遠離名色執，七者、應遠離蘊執，八者、應遠離處執，九者、應遠離界執，十者、應遠離諦執，十一者、應遠離緣起執，十二者、應遠離住著三界執，十三者、應遠離一切法執，十四者、應遠離於一切法如理不如理執，十五者、應遠離依佛見執，十六者、應遠離依法見執，十七者、應遠離依僧見執，十八者、應遠離依戒見執，十九者、應遠離依空見執，二十者、應遠離厭怖空性。」（大正 7，83a28-b11）

復有二十法應具足滿。何等二十？一者、具足空，二者、無相證，三者、知無作；四者、三分清淨；五者、一切眾生中具足慈悲智<sup>35</sup>；六者、不念一切眾生；七者、一切法等觀，是<sup>36</sup>中亦<sup>37</sup>不著；八者、知諸法實相，是事亦不念；九者、無生法忍<sup>38</sup>，十者、無生智；十一者、說諸法一相；十二者、破分別相；十三者、轉（410c）憶想；十四者、轉見；十五者、轉煩惱；十六者、等定慧地；十七者、調意；十八者、心寂滅；十九者、無礙智；二十者、不染愛。須菩提！是名菩薩摩訶薩住七<sup>39</sup>地中應具足二十法。<sup>40</sup>

**（8）第八地：應具足二種五法**

復次，須菩提！菩薩摩訶薩住八地中應具足五法。何等五？<sup>（1）</sup>順入眾生心；<sup>41（2）</sup>遊戲諸神通；<sup>（3）</sup>觀<sup>42</sup>諸佛國；<sup>（4）</sup>如所見佛國，自莊嚴其國；<sup>（5）</sup>如實觀佛身，自莊嚴佛身——是名<sup>43</sup>五法具足滿。<sup>44</sup>

復次，須菩提！菩薩摩訶薩住八地中復具足五法。何等五？<sup>（1）</sup>知上下諸根，<sup>（2）</sup>淨佛世界，<sup>（3）</sup>入如幻三昧，<sup>（4）</sup>常入三昧，<sup>（5）</sup>隨眾生所應善根受身。須菩提！是為菩薩摩訶薩住八<sup>45</sup>地中具足五法。<sup>46</sup>

<sup>35</sup> 具足慈悲智＝慈悲智具足【石】。（大正 25，410d，n.27）

<sup>36</sup> 是＝見【聖】。（大正 25，410d，n.28）

<sup>37</sup> 亦＋（復）【石】。（大正 25，410d，n.29）

<sup>38</sup> 法忍＝忍法【宋】【元】【明】【宮】【聖】。（大正 25，410d，n.30）

<sup>39</sup> （第）＋七【石】。（大正 25，410d，n.31）

<sup>40</sup> 《大般若波羅蜜多經》卷 415〈18 修治地品〉：「復應圓滿二十法。云何二十？一者、應圓滿通達空，二者、應圓滿證無相，三者、應圓滿知無願，四者、應圓滿三輪清淨，五者、應圓滿悲愍有情及於有情無所執著，六者、應圓滿一切法平等見及於此中無所執著，七者、應圓滿一切有情平等見及於此中無所執著，八者、應圓滿通達真實理趣及於此中無所執著，九者、應圓滿無生忍智，十者、應圓滿說一切法一相理趣，十一者、應圓滿滅除分別，十二者、應圓滿遠離諸想，十三者、應圓滿遠離諸見，十四者、應圓滿遠離煩惱，十五者、應圓滿止觀地，十六者應圓滿調伏心性，十七者、應圓滿寂靜心性。十八者、應圓滿無礙智性，十九者、應圓滿無所愛染，二十者、應圓滿隨心所欲往諸佛土，於佛眾會自現其身。」（大正 7，83b12-26）

<sup>41</sup> 《大般若波羅蜜多經》卷 415〈18 修治地品〉：「一者、應圓滿悟入一切有情心行。」（大正 7，83c1-2）

<sup>42</sup> 觀＝見【石】。（大正 25，410d，n.32）

<sup>43</sup> 〔名〕－【宋】【宮】【聖】。（大正 25，410d，n.33）

<sup>44</sup> 《大般若波羅蜜多經》卷 415〈18 修治地品〉：「復次，善現！諸菩薩摩訶薩住第八地時，應圓滿四法。云何為四？一者、應圓滿悟入一切有情心行，二者、應圓滿遊戲諸神通，三者、應圓滿見諸佛土如其所見而自嚴淨種種佛土，四者、應圓滿承事供養諸佛世尊於如來身如實觀察。善現！諸菩薩摩訶薩住第八地時，於此四法應勤圓滿。」（大正 7，83b29-c6）

<sup>45</sup> （第）＋八【石】。（大正 25，410d，n.35）

<sup>46</sup> （1）參見《大般若波羅蜜多經》卷 415〈18 修治地品〉：「復次，善現！諸菩薩摩訶薩住第九地時，應圓滿四法。云何為四？一者、應圓滿根勝劣智，二者、應圓滿嚴淨佛土，三者、應圓滿如幻等持數入諸定，四者、應圓滿隨諸有情善根應熟故入諸有自現化生。善現！諸菩薩摩訶薩住第九地時，於此四法應勤圓滿。」（大正 7，83c6-12）

（2）案：玄奘譯《大般若經》第九地菩薩所行之四法，與羅什譯《摩訶般若波羅蜜經》第八地菩薩所行之第二類五法類似，只是《摩訶般若波羅蜜經》是在第八地，而《大般若經》則是在第九地。

**〔9〕第九地：應具足十二法**

復次，須菩提！菩薩摩訶薩住九地中應具足十二法。何等十二？<sup>(1)</sup> 受無邊世界所度之分；<sup>(2)</sup> 菩薩得如是<sup>47</sup>願；<sup>(3)</sup> 知諸天、龍、夜叉、犍<sup>48</sup>闍婆語而為說法；<sup>(4)</sup> 處胎成就，<sup>(5)</sup> 家<sup>49</sup>成就，<sup>(6)</sup> 所生<sup>50</sup>成就，<sup>(7)</sup> 姓成就，<sup>(8)</sup> 眷屬成就，<sup>(9)</sup> 出生成就，<sup>(10)</sup> 出家成就，<sup>(11)</sup> 莊嚴佛樹成就；<sup>(12)</sup> 一切諸善功德成滿具足。須菩提！是名菩薩摩訶薩住九<sup>51</sup>地中應具足十二法。<sup>52</sup>

**〔10〕第十地：當知如佛**

須菩提！十地菩薩當知如佛。」

**2、別釋****〔1〕初地：修行十事**

爾時，慧命須菩提白佛言：<sup>(1)</sup>「世尊！云何菩薩摩訶薩深心治地業？」

佛言：「菩薩摩訶薩應薩婆若心，集諸善根，是名菩薩摩訶薩深心治地業。」

<sup>(2)</sup>「云何菩薩於一切眾生中等心？」

佛言：「若菩薩摩訶薩應薩婆若心，生四無量心，所謂慈、悲、喜、捨。是名於一切眾生中等心。」

<sup>(3)</sup>「云何菩薩修布施？」

佛言：「菩薩施與一切眾生無所分別，是名修布施。」

<sup>(4)</sup>「云何菩薩親近善知識？」

佛言：「能教入薩婆若中住——如是善知識，親近、諮受、恭敬、供養，是名親近善知識。」

<sup>(5)</sup>「云何菩(411a)薩求法？」

佛言：「若菩薩應薩婆若心求法，不墮聲聞、辟支佛地，是名求法。」

<sup>47</sup> 是=所【石】。(大正 25, 410d, n.36)

<sup>48</sup> 犍=捷【宋】【元】【明】【宮】。(大正 25, 410d, n.37)

<sup>49</sup> 家=生【宋】【元】【明】【宮】。(大正 25, 410d, n.38)

<sup>50</sup> 所生=家【宋】【元】【明】【宮】。(大正 25, 410d, n.39)

<sup>51</sup> (第)+九【石】。(大正 25, 410d, n.40)

<sup>52</sup> (1) 參見《大般若波羅蜜多經》卷 415〈18 修治地品〉：「復次，善現！諸菩薩摩訶薩住第十地時，應圓滿十二法。云何十二？一者、應圓滿攝受無邊處所大願，隨有所願皆令證得；二者、應圓滿隨諸天龍及藥叉等異類音智；三者、應圓滿無礙辯說；四者、應圓滿入胎具足；五者、應圓滿出生具足；六者、應圓滿家族具足；七者、應圓滿種姓具足；八者、應圓滿眷屬具足；九者、應圓滿生身具足；十者、應圓滿出家具足；十一者、應圓滿莊嚴菩提樹具足；十二者、應圓滿一切功德成辦具足。善現！諸菩薩摩訶薩住第十地時，應勤圓滿此十二法。善現當知！若菩薩摩訶薩住第十地已，與諸如來應言無別。」(大正 7, 83c12-24)

(2) 案：玄奘譯《大般若經》第十地菩薩所行之十二法，與羅什譯《摩訶般若波羅蜜經》第九地菩薩所行之十二法類似，只是《摩訶般若波羅蜜經》是在第九地，而《大般若經》則是在第十地。

〔6〕「云何菩薩常出家治地業？」

佛言：「菩薩世世不雜心，佛法中出家，無能障礙者<sup>53</sup>，是名常出家治地業。」

〔7〕「云何菩薩愛樂佛身治地業？」

佛言：「若菩薩見佛身相，乃至阿耨多羅三藐三菩提，終不離念佛，是名愛樂佛身治地業。」

〔8〕「云何菩薩演出法教治地業？」

佛言：「菩薩，若佛現在<sup>54</sup>、若佛滅度後，為眾生說法，初、中、後善，妙義好語，淨潔純具<sup>55</sup>，所謂修妬<sup>56</sup>路乃至優婆<sup>57</sup>提舍，是名演出法教治地業。」

〔9〕「云何菩薩破於憍慢治地業？」

佛言：「菩薩破是憍慢故，終不生下賤家<sup>58</sup>，是名<sup>59</sup>破於憍慢治地業。」

〔10〕「云何菩薩實語治地業？」

佛言：「菩薩如所說，隨說<sup>60</sup>行，是名實語治地業。

是為菩薩摩訶薩住初地<sup>61</sup>中修行<sup>62</sup>十事治地業。」

【論】釋曰<sup>63</sup>：

## 二、答第二問：云何發趣大乘

### （一）以無所著、無所得行六度、歷十地，是名發趣大乘

須菩提上問「摩訶衍」，佛種種答「摩訶衍相」；<sup>64</sup>上又問「發趣大乘」者<sup>65</sup>，今答「發趣大乘相」。<sup>66</sup>

菩薩摩訶薩乘<sup>67</sup>是乘<sup>68</sup>，知一切法從本已來不來不去、無動無發，法性常住故；又以

<sup>53</sup> 出家無能障＝家【聖】。（大正 25，411d，n.1）

<sup>54</sup> 佛現在＝現在佛【宋】【元】【明】【宮】【聖】。（大正 25，411d，n.2）

<sup>55</sup> 純具＝具滿【宮】。（大正 25，411d，n.3）

<sup>56</sup> 妬＝始【聖】，＝妬【石】。（大正 25，411d，n.4）

<sup>57</sup> 優婆＝優波【宋】【元】【明】【宮】【聖】，＝憂波【石】。（大正 25，411d，n.5）

<sup>58</sup> 家＝處【石】。（大正 25，411d，n.6）

<sup>59</sup> 名＋（菩薩）【宋】【元】【明】【宮】。（大正 25，411d，n.7）

<sup>60</sup> 隨說＝如所【宋】【元】【明】【宮】【聖】。（大正 25，411d，n.8）

<sup>61</sup> 住初＝初住【宋】【宮】【聖】。（大正 25，411d，n.9）

<sup>62</sup> （應）＋修行【石】。（大正 25，411d，n.10）

<sup>63</sup> 【論】釋曰＝論者言【宋】【宮】【聖】，＝論論者言【元】【明】。（大正 25，411d，n.11）

<sup>64</sup> （1）參見《摩訶般若波羅蜜經》卷 5〈18 問乘品〉：「爾時，須菩提白佛言：『世尊！何等是菩薩摩訶薩摩訶衍？』」（大正 8，250a2-3）

（2）參見《大智度論》卷 46～卷 48（〈18 摩訶衍品〉、〈19 四念處品〉）（大正 25，393b5-409c15）。

<sup>65</sup> 參見《摩訶般若波羅蜜經》卷 5〈18 問乘品〉：「爾時，須菩提白佛言：『世尊！<sup>（1）</sup>何等是菩薩摩訶薩摩訶衍？<sup>（2）</sup>云何當知菩薩摩訶薩發趣大乘？<sup>（3）</sup>是乘發何處？是乘至何處？<sup>（4）</sup>當住何處？<sup>（5）</sup>誰當乘是乘出者？』」（大正 8，250a2-5）

<sup>66</sup> 參見《大智度論》卷 49～卷 50〈20 發趣品〉（大正 25，409c23-419c12）。

<sup>67</sup> 乘（𨔵𨔵）：1.駕御，2.乘坐。（《漢語大詞典》（一），p.666）

<sup>68</sup> （1）乘（𨔵𨔵）：1.車子。（《漢語大詞典》（一），p.667）

（2）yānārūḍha：乘乘，乘騎人，乘車者。（荻原雲來編，《漢譯對照梵和大辭典》，p.1092）

大悲心故、精進波羅蜜故、方便力故，還修諸善法；更求勝地而不取地相，亦不見此地。<sup>69</sup>

## (二) 十地發趣

### 1、應說「發趣大乘」，何以說「發趣地」

問曰：應答「發趣大乘」，何以說「發趣地」？

答曰：「大乘」即是「地」。地有十分。

從初地至二地，是名「發趣」；譬如乘馬趣象，捨馬乘象，乘象趣龍，捨象乘龍。

### 2、二種十地：但菩薩地，共地

問曰：此中是何等十地？

答曰：地有二種：一者、但菩薩地，二者、共地。<sup>70</sup>

共地者，所謂乾慧地乃至佛地。<sup>71</sup>

但菩薩地者，歡喜地、離垢地、有光地、增曜<sup>72</sup>地、難勝地、現在地、深入地、不動地、善根<sup>73</sup>地、法雲地。此地相，如《十地（411b）經<sup>74</sup>》中廣說。<sup>75</sup>

## 3、別釋十地

### (1) 釋初地應行十事

入初地菩薩應行十法——深心乃至實語。

<sup>69</sup> 「知法不來不去，無動無發，法性常住。

發趣大乘——以大悲心，精進力，方便力，修諸善法更求勝地……不取地相，不見此地。

（印順法師，《大智度論筆記》〔B013〕p.133）

<sup>70</sup> 「但菩薩地

二種地——共地（印順法師，《大智度論筆記》〔B013〕p.133）

<sup>71</sup> （1）參見《摩訶般若波羅蜜經》卷 17〈57 深奧品〉：「菩薩摩訶薩具足乾慧地、性地、八人地、見地、薄地、離欲地、已作地、辟支佛地、菩薩地、佛地。」（大正 8，346b3-6）

（2）關於共十地之解說，參見《大智度論》卷 75（大正 25，585c28-586a27）。

（3）參見《大般若波羅蜜多經》卷 416〈18 修治地品〉：「善現！云何菩薩摩訶薩住第十地趣如來地？善現！是菩薩摩訶薩方便善巧，行六波羅蜜多、四念住乃至十八不共法，超淨觀地、種姓地、第八地、具見地、薄地、離欲地、已辦地、獨覺地及菩薩地，又能永斷一切煩惱習氣相續，便成如來、應、正等覺住如來地。善現！如是菩薩摩訶薩住第十地趣如來地。善現！齊此當知菩薩摩訶薩發趣大乘。」（大正 7，88c17-24）

<sup>72</sup> 曜＝耀【石】。（大正 25，411d，n.13）

<sup>73</sup> 根＝相【宋】【元】【明】【宮】。（大正 25，411d，n.14）

<sup>74</sup> 經＝論【宋】【元】【明】【宮】。（大正 25，411d，n.15）

<sup>75</sup> （1）參見《十住經》（大正 10，497c3-535a20）；《佛說十地經》（大正 10，535a23-574c16）；天親造，《十地經論》（大正 26，123a2-203b2）。

（2）參見印順法師，《初期大乘佛教之起源與開展》，pp.707-712。

（3）《大般若波羅蜜多經》〈初分〉亦說到極喜地等但菩薩十地，如卷 4〈3 相應品〉云：「舍利子！修行般若波羅蜜多菩薩摩訶薩，與極喜地空相應故，當言與般若波羅蜜多相應；與離垢地、發光地、焰慧地、極難勝地、現前地、遠行地、不動地、善慧地、法雲地空相應故，當言與般若波羅蜜多相應。」（大正 5，21c6-11）

**A、釋第一事：深心**

**（A）應薩婆若心，集諸善根**

須菩提雖知，為斷眾生疑故，問世尊：「云何是深心？」

佛答：「應薩婆若心，集諸善根。」

「薩婆若心」者，菩薩摩訶薩初發阿耨多羅三藐三菩提意，作是願：「我於未來世<sup>76</sup>當作佛！」是阿耨多羅三藐三菩提意，即是應薩婆若心。

「應」者，繫心願我當作佛。若菩薩利根、大集福德、諸煩惱薄、過去罪業少，發意即得深心——「深心」者，深樂<sup>77</sup>佛道，世世<sup>78</sup>於世間心薄。是名「應薩婆若心」。

所作一切功德，若布施、若持戒、若修定等，不求今世後世福樂、壽命、安隱，但為薩婆若。譬如慳貪人無因<sup>79</sup>緣，乃至一錢不施，貪惜積聚，但望增長；菩薩亦如是，福德若多若少，不向餘事，但愛惜積集<sup>80</sup>，向薩婆若。

**※ 因論生論：菩薩未知薩婆若，云何能得深心**

問曰：是菩薩未知薩婆若，不得其味，云何能得深心？

答曰：

**a、利根諸惑薄，福厚不樂世間**

我先已說：此人若利根，諸煩惱薄，福<sup>81</sup>德純<sup>82</sup>厚，不樂世間，雖未聞讚歎大乘，猶不樂世間，何況已聞！

如摩訶迦<sup>83</sup>葉，娶<sup>84</sup>金色女為妻，心不愛樂<sup>85</sup>，棄捨出家。<sup>86</sup>又如耶舍長者子，中夜見眾婬<sup>87</sup>女皆如死狀，捨直十萬兩金寶屐<sup>88</sup>於水岸邊，直渡<sup>89</sup>趣佛。<sup>90</sup>

<sup>76</sup> 〔世〕－【聖】。（大正 25，411d，n.16）

<sup>77</sup> 〔淨〕＋樂【聖】。（大正 25，411d，n.17）

<sup>78</sup> 〔世世〕－【聖】。（大正 25，411d，n.18）

<sup>79</sup> 因＝恩【聖】。（大正 25，411d，n.19）

<sup>80</sup> 集＝聚【石】。（大正 25，411d，n.20）

<sup>81</sup> 福＝功【石】。（大正 25，411d，n.21）

<sup>82</sup> 純＝淳【宋】【元】【明】【宮】【聖】【石】。（大正 25，411d，n.22）

<sup>83</sup> 〔迦〕－【聖】。（大正 25，411d，n.23）

<sup>84</sup> 娶＝聚【聖】。（大正 25，411d，n.24）

<sup>85</sup> 愛樂＝樂愛【宋】【宮】。（大正 25，411d，n.25）

<sup>86</sup> （1）參見《雜譬喻經》（大正 4，524b21-c14）。

（2）迦葉棄金色女出家。（印順法師，《大智度論筆記》〔H027〕p.421）

<sup>87</sup> 婬＝綵【聖】。（大正 25，411d，n.26）

<sup>88</sup> （1）屐＝履【聖】。（大正 25，411d，n.28）

（2）屐（ㄐ一）：1.木製的鞋，底大多有二齒，以行泥地。3.泛指鞋。（《漢語大詞典》（四），p.49）

（3）履（ㄌㄩˇ）：1.鞋。（《漢語大詞典》（四），p.55）

<sup>89</sup> 渡＝度【聖】。（大正 25，411d，n.29）

<sup>90</sup> （1）參見《佛所行讚》卷 4（大正 4，30c20-31a20）。

（2）耶舍長者子出家。（印順法師，《大智度論筆記》〔H027〕p.421）

如是等諸貴人、國王，厭捨五欲者無數，何況菩薩聞說佛道種種功德因緣，而不即時發心深入！如後〈薩陀波崙品〉<sup>91</sup>中，長者女聞讚歎佛功德，即時捨家，詣曇無竭所。

#### **b、五善根成熟，深念無上道**

復次，信等五根成就純熟故，能得是深心。

譬如小兒，眼等五情根未成就故，不別五塵，不識好醜；信等五根未成就，亦復如是，不識善惡，不知縛解，愛<sup>92</sup>樂（411c）五欲，沒<sup>93</sup>於邪見。

信等五根成就者，乃能識別善惡。十善道、聲聞法猶尚愛樂，況無上道而不深念！初發無上道心，已於世間最上，何況成就！

#### **c、得般若氣味，深念薩婆若**

復次，菩薩始得般若波羅蜜氣味故，能生深心。

如人閉在幽闇，微隙見光，心則踊躍，作是念<sup>94</sup>言：「眾人獨得見如是光明！」欣悅愛樂，即生深心，念是光明，方便求出！菩薩亦如是，宿業因緣故，閉在十二<sup>95</sup>入無明黑闇獄中，所有知見，皆是虛妄；聞般若波羅蜜，少得氣味，深念薩婆<sup>96</sup>若：「我當云何於此六情獄得出，如諸佛聖人？」

#### **d、發無上道心，隨悲願所行**

復次，發阿耨多羅三藐三菩提心<sup>97</sup>，隨願所行，以是故生深心。

#### **(B) 愛薩婆若，愛佛，又大悲利益眾生**

「深心」者，一切諸法中愛，無如愛薩婆若；一切眾生中愛，無如愛佛。又深入悲心，利益眾生。如是等名深心相，初地菩薩應常行是心。

#### **B、釋第二事：等心**

##### **(A) 怨親平等，視之無二**

「於一切眾生等心」者，菩薩得是深心已，等心於一切眾生。眾生常情——愛其所親，惡其所憎；菩薩得深心故，怨親平等，視之無二。

##### **(B) 應薩婆若，生四無量心**

此中佛自說：等心者，四無量心是。

菩薩見眾生受樂，則生慈、喜心，作是願：「我當令一切眾生皆得佛樂！」

若見眾生受苦，則生悲心愍之，作是願：「我當拔一切眾生苦！」

<sup>91</sup> 《正觀》(6)，p.134：參見《摩訶般若波羅蜜經》卷 27〈88 常啼品〉(大正 8，419a1-421a4)，《放光般若經》卷 20〈88 薩陀波崙品〉(大正 8，143a10-144b4)，《道行般若經》卷 9〈28 薩陀波崙菩薩品〉(大正 8，472b29-473b10)，《小品般若波羅蜜經》卷 10〈27 薩陀波崙品〉(大正 8，582a24-b6)。

<sup>92</sup> 愛=受【聖】。(大正 25，411d，n.32)

<sup>93</sup> 沒=復【聖】。(大正 25，411d，n.33)

<sup>94</sup> 是念=念【宋】【元】【明】【宮】，=是語【石】。(大正 25，411d，n.34)

<sup>95</sup> 二=方【聖】。(大正 25，411d，n.35)

<sup>96</sup> 婆=波【聖】。(大正 25，411d，n.36)

<sup>97</sup> 〔心〕—【宋】【元】【明】【宮】【聖】【石】。(大正 25，411d，n.37)

若見不苦不樂眾生，則生捨心，作是願：「我當令眾生捨愛憎心！」  
四無量心餘義，如先說<sup>98</sup>。

### C、釋第三事：修布施

「捨心」者，捨有二種：一者、捨財行施，二者、捨結得道。  
此以除慳為捨，與第二捨結作<sup>99</sup>因緣；至七地中乃能捨結。<sup>100</sup>

#### ※ 釋「施與一切眾生，無所分別」

問曰：捨相有種種——內外、輕重，財施、法施，世間、出世間等，佛何以故  
但說無分別憶想出世間（412a）施？

答曰：布施雖有種種相，但說大者不取相。

復次，佛於一切法不著，亦以此教菩薩布施，令如佛法不著。此中應廣  
說無分別布施；餘布施相，處處已種種說。<sup>101</sup>

### D、釋第四事：親近善知識

「近善知識」義，如先說。<sup>102</sup>

### E、釋第五事：求法

#### （A）明所求之法

「求法」者，法有三種：一者、諸法中無上，所謂涅槃；二者、得涅槃方便——  
八聖道；三者、一切善語、實語助八聖道者，所謂八萬四千法眾，十二部經，  
四藏——所謂阿含、阿毘曇、毘尼<sup>103</sup>、雜藏<sup>104</sup>，<sup>105</sup>《摩訶般若波羅蜜》等諸摩  
訶衍經<sup>106</sup>，皆名為法。<sup>107</sup>

<sup>98</sup> 《正觀》（6），p.134：參見《大智度論》卷 20（大正 25，208c8-211c27）。

<sup>99</sup> 作＝行【聖】。（大正 25，411d，n.40）

<sup>100</sup> 無相施

┌捨財行施……………初地能捨

二捨└捨結得道……………七地能捨（印順法師，《大智度論筆記》〔B013〕p.134）

<sup>101</sup> 《正觀》（6），p.134：參見《大智度論》卷 11（大正 25，140c15-145a5）、卷 22（226b29-227b21）、  
卷 29（271a10-272a8；272b24-c28）、卷 33（304b16-305a14）。

<sup>102</sup> 《正觀》（6），p.134：《摩訶般若波羅蜜經》卷 4〈11 幻學品〉（大正 8，240c7-241a2）；《放  
光般若經》卷 3〈13 問幻品〉（大正 8，17c13-24）；《光讚經》卷 4〈10 幻品〉（大正 8，176a4-c11）。

<sup>103</sup> 尼＝泥【宮】，＝尸【聖】。（大正 25，412d，n.1）

<sup>104</sup> 印順法師，〈大智度論之作者及其翻譯〉，《永光集》，p.70：

三藏是經、律、論藏；四藏是在三藏之外加一雜藏。說一切有部的結集傳說，只有三藏；立  
雜藏的，現有文獻可知的，是大眾部、化地部、法藏部。Lamotte 以為《大智度論》所說的  
只是大乘和說一切有部，所以廣論「說一切有部之雜藏」，這又是錯誤的。《大智度論》卷二  
說到王舍城結集，只言「三法藏」、卷 49（大正 25，412a）則說：「四藏，所謂阿含、阿毘  
曇、毘尼、雜藏。」卷 11（大正 25，143c）也說「以四種法藏教人」。這四藏說，不是說一  
切有部的。

<sup>105</sup> 四藏。（印順法師，《大智度論筆記》〔E007〕p.298）

<sup>106</sup> 阿含、毘尼、阿毘曇、雜藏、摩訶般若波羅密經。（印順法師，《大智度論筆記》〔H001〕p.386）

<sup>107</sup> ┌涅槃……………果（理）法

法有三種└涅槃方便八聖道……………行法

┌善語實語助人聖道〔大小乘經〕……………教法

（印順法師，《大智度論筆記》〔B014〕p.134）

**(B) 釋求法之相****a、為治眾生心病故，集諸法藥，不惜身命**

此中「求法」者，書寫、誦讀<sup>108</sup>、正憶念——如是等，治眾生心病故，集諸法藥，不惜身命。

如釋迦文<sup>109</sup>佛，本為菩薩時，名曰樂法。時世無佛，不聞善語，四方求法，精勤不懈，了不能得。爾時，魔變作婆羅門而語之言：「我有佛所說一偈，汝能以皮為紙，以骨為筆，以血為墨，書寫此偈，當以與汝！」樂法即時自念：「我世世喪身無數，不得是利。」即自剝皮曝之令乾，欲書其偈，魔便滅身。<sup>110</sup>是時，佛知其至心，即從下方踊<sup>111</sup>出，為說深法，即得無生法忍。

又如薩陀波崙苦行求法。<sup>112</sup>

如釋迦文菩薩，五百釘釘身，為求法故。<sup>113</sup>

又如金堅王割身五百處為燈炷<sup>114</sup>；投巖<sup>115</sup>、入火<sup>116</sup>，如是等種種苦行難行，為眾生求法。

**b、為薩婆若，不墮二乘地**

復次，佛自說求法相：「為薩婆若，不墮聲聞、辟支佛地。」

**F、釋第六事：常出家****(A) 知在家過患，求出家功德**

「常出家」者，菩薩知在家有種種罪因緣——「我若在家，自不能得行清淨行，何能令人得諸淨行？若隨在家法，則有鞭杖等苦惱眾生；若隨善法行，則破居家法。」籌量二事：「我今不出家者，死時俱亦當捨；今自（412b）遠離，福德為大！」

**(B) 為上求下化，得戒度因緣**

復次，菩薩作是念：「一切國王及諸貴人力勢如天，求樂未已，死強奪之。我今

<sup>108</sup> 誦讀＝讀誦【元】【明】。（大正 25，412d，n.2）

<sup>109</sup> 文＝牟【聖】。（大正 25，412d，n.3）

<sup>110</sup> （1）參見 Lamotte（1980, p.2390, n.3）：《菩薩本行經》卷 3（大正 3，119b16-18）。

（2）本生：樂法析皮血求法。（印順法師，《大智度論筆記》〔H013〕p.404）

（3）參見《賢愚經》卷 1〈1 梵天請法六事品〉（大正 4，351b12-c5）。

<sup>111</sup> 踊＝涌【宋】【元】【明】【宮】。（大正 25，412d，n.5）

<sup>112</sup> 參見《摩訶般若波羅蜜經》卷 27〈88 常啼品〉（大正 8，416a24-420a18）。

<sup>113</sup> （1）參見 Lamotte（1980, p.2390, n.3）：《菩薩本行經》卷 3（大正 3，119b15-16）；《經律異相》卷 25（大正 53，136c20-137a3）。

（2）本生：五百釘釘身求法。（印順法師，《大智度論筆記》〔H013〕p.404）

（3）參見《賢愚經》卷 1〈1 梵天請法六事品〉（大正 4，350a19-c11），但《賢愚經》說「千鐵釘」。

<sup>114</sup> （1）參見 Lamotte（1980, p.2390, n.3）：《賢愚經》卷 1〈1 梵天請法六事品〉（大正 4，349b24-350a18）。

（2）本生：金堅王割身為燈求法。（印順法師，《大智度論筆記》〔H013〕p.404）

<sup>115</sup> 參見《賢愚經》卷 1〈6 恒伽達品〉（大正 4，355b17-23）。

<sup>116</sup> 參見《賢愚經》卷 1〈1 梵天請法六事品〉（大正 4，350c12-351b11）。

為眾生故捨家，持清淨戒，求佛道，具足尸羅波羅蜜因緣。」

**〔C〕菩薩世世不雜心出家**

此中佛自說：「菩薩世世不雜心出家。」

「不雜心」者，不於九十六種道中出家，但於佛道中出家。所以者何？佛道中有二種正見：世間正見、出世間正見故。<sup>117</sup>

**G、釋第七事：愛樂佛身**

「愛樂佛身」者，聞種種讚佛功德——十力、四無所畏、大慈大悲<sup>118</sup>、一切智慧；又見佛身三十二相、八十種隨形好，放大光明，天人供養，無有厭足。自知：「我當來世，亦當如是。」假令無得佛因緣，猶尚愛樂，何況當得而不愛樂！得是深心愛樂佛故，世世常得值佛。

**H、釋第八事：演出法教**

**〔A〕釋「若佛在世、若佛滅度後，為眾生說法」**

「演出法教」者，菩薩如上求法已，為眾生演說。

菩薩在家者，多以財施；出家者，愛佛情重，常以法施<sup>119</sup>——若佛在世、若不在世<sup>120</sup>，善住持戒，不求名利，等心一切眾生而為說法。

**〔B〕釋「初善、中善、後善」**

**a、讚歎布施、持戒、得二法果報**

讚歎檀義故，名為「初善」；分別讚歎持戒，名為「中善」；是二法果報——若生諸佛國、若作大天，名為「後善」。

**b、見苦生厭離，為身離故捨家，為心離煩惱**

復次，見三界、五受眾<sup>121</sup>身多苦惱，則生厭離心，名為「初善」；棄捨居家，為身離故，名為「中善」；為心離煩惱故，名為「後善」。

**c、說聲聞乘、說辟支佛乘、宣暢大乘**

解說<sup>122</sup>聲聞乘，名為「初善」；說辟支佛乘，名為「中善」；宣暢大乘，名為「後善」。

**〔C〕釋「妙義好語」**

「妙義好語」者，三種語：雖復辭妙而義味淺薄，雖義理深妙而辭不具足，以是故說「妙義好語」。

<sup>117</sup> （1）「世間正見

佛道有二種正見——出世間正見（印順法師，《大智度論筆記》〔B014〕p.134）

（2）參見《雜阿含經》卷 28（785 經）（大正 2，203a21-b2）；印順法師，《成佛之道》（增注本），pp.67-82、pp.205-226。

<sup>118</sup> 〔悲〕—【聖】。（大正 25，412d，n.8）

<sup>119</sup> 在家多財施，出家常法施。（印順法師，《大智度論筆記》〔E007〕p.298）

<sup>120</sup> 世+（世）【石】。（大正 25，412d，n.9）

<sup>121</sup> 受眾=眾受【宋】【宮】。（大正 25，412d，n.10）

<sup>122</sup> 說=脫【石】。（大正 25，412d，n.11）

**〔D〕釋「淨潔純具」**

離三毒垢故，但說正法，不雜非法，是名「清淨」。  
八聖道分、六波羅蜜備故，名為「具足」。

**〔E〕釋「十二部經」**

修多羅十二部經，如先說<sup>123</sup>。

**I、釋第九事：破於憍慢**

「破憍慢」者，是菩薩出家、持戒、說法、能（412c）斷眾<sup>124</sup>疑<sup>125</sup>，或時自恃而生憍慢；是時應作是念：我剃頭著染衣，持鉢乞食，此是破憍慢法，我云何於中生憍慢？又此憍慢在人心中則覆沒功德，人所不愛，惡聲流布；後身常生弊惡畜生中，若生人中卑鄙下賤——知是憍慢有如是無量過罪。破是憍慢，為求阿耨多羅三藐三菩提故；如人求財，猶尚謙遜下意，何況求無上道！以破憍慢故，常生尊貴，終不在下賤家生。

**J、釋第十事：實語**

「實語」者，是諸善之本，生天因緣，人所信受。行是實語者，不假布施、持戒、學<sup>126</sup>問，但修實語，得無量福。實語者，如說隨<sup>127</sup>行。

**※ 因論生論：四種口業中云何但說實語**

問曰：口業有<sup>128</sup>四種，何以但說實語？

答曰：

**〔A〕說實語，則攝餘三種**

佛法中貴實故，說實，餘皆攝；四諦實故<sup>129</sup>，得涅槃。

**〔B〕初地未能具足行此四業故但說實語**

復次，菩薩與眾生共事，惡口、綺語、兩舌，或時有<sup>130</sup>；妄語罪重故，初地應捨。是菩薩行初地，未能具足行此四業故，但說實語；第二地中則能具足。

**K、釋疑：初地何以但說十事**

問曰：初地中何以但說十事？

答曰：佛為法王，諸法中得自在，知是十法，能成初地；譬如良醫，善知藥草種數，若五、若十，足能破病，是中不應難其多少。（初地竟）

**【經】****〔2〕第二地：滿足八法**

<sup>123</sup> 《正觀》（6），p.134：參見《大智度論》卷 33（大正 25，306c21-308b17）。

<sup>124</sup> 眾 + （生）【石】。（大正 25，412d，n.12）

<sup>125</sup> 疑 + （惑）【聖】【石】。（大正 25，412d，n.13）

<sup>126</sup> 學 = 與【聖】。（大正 25，412d，n.14）

<sup>127</sup> 說隨 = 實修【石】。（大正 25，412d，n.15）

<sup>128</sup> 〔有〕－【聖】。（大正 25，412d，n.16）

<sup>129</sup> 故 = 語【石】。（大正 25，412d，n.17）

<sup>130</sup> （能）+ 有【宋】【元】【明】【宮】【石】。（大正 25，412d，n.18）

(1) 「云何菩薩戒<sup>131</sup>清淨？」

「若菩薩摩訶薩不念聲聞、辟支佛心，及諸破戒障佛道法，是名戒清淨。」

(2) 「云何菩薩知恩報恩？」

「若菩薩摩訶薩行菩薩道，乃至小恩尚不忘，何況多！是名知恩報恩。」

(3) 「云何菩薩住忍辱力？」

「若菩薩於一（413a）切眾生無瞋無惱，是名住忍辱力。」

(4) 「云何菩薩受歡喜？」

「所謂成就眾生，以此為喜，是名受歡喜。」

(5) 「云何菩薩不捨一切眾生？」

「若菩薩念欲救一切眾生故，是名不捨一切眾生。」

(6) 「云何菩薩入大悲心？」

「若菩薩如是念：『我為一一眾生故，如恒河沙等劫地獄中受勤<sup>132</sup>苦，乃至是人得佛道、入涅槃。』如是名為為<sup>133</sup>一切十方眾生忍苦，是名入大悲心。」

(7) 「云何菩薩信師恭敬諮受？」

「若菩薩於諸師如世尊想，是名信師恭敬諮受。」

(8) 「云何菩薩勤求諸波羅蜜？」

「若菩薩一心求諸波羅蜜無異事，是名勤求諸波羅蜜。<sup>134</sup>  
是為菩薩摩訶薩住二地中滿足八法。」

### **(3) 第三地：滿足五法**

(1) 「云何<sup>135</sup>菩薩摩訶薩多學問無厭足？」

「諸佛所說法<sup>136</sup>，若是此<sup>137</sup>間世界，若十方世界諸佛所說，盡欲聞持，是名<sup>138</sup>多學問無厭足。」

(2) 「云何菩薩淨法施？」

「有所<sup>139</sup>法施，乃至不求阿耨多羅三藐三菩提，何況餘事！是名不求名利法施。」

(3) 「云何菩薩淨佛世界？」

「以諸善根迴向淨佛世界，是名<sup>140</sup>淨佛世界。」

<sup>131</sup> 菩薩戒。（印順法師，《大智度論筆記》〔E007〕p.298）

<sup>132</sup> 勤（く一ㄣノ）：4.勞倦，辛苦。5.憂慮，愁苦。（《漢語大詞典》（二），p.816）

<sup>133</sup> 〔為〕－【石】。（大正 25，413d，n.1）

<sup>134</sup> 《大般若波羅蜜多經》卷 415〈18 修治地品〉：「云何菩薩摩訶薩勤求修習波羅蜜多？善現！若菩薩摩訶薩普於一切波羅蜜多，專心求學不顧餘事，是為菩薩摩訶薩勤求修習波羅蜜多。」（大正 7，84c9-12）

<sup>135</sup> 何＋（云）【石】。（大正 25，413d，n.2）

<sup>136</sup> 法若＝若法【聖】。（大正 25，413d，n.3）

<sup>137</sup> 〔此〕－【宮】【聖】【石】。（大正 25，413d，n.4）

<sup>138</sup> 名＝為【石】。（大正 25，413d，n.5）

<sup>139</sup> 有所＝所有【石】。（大正 25，413d，n.6）

<sup>140</sup> 名＋（能）【石】。（大正 25，413d，n.7）

(4) 「云何菩薩受世間無量勤苦不以為厭？」

「諸善根備具故，能成就眾生亦莊嚴佛界<sup>141</sup>，乃至具足薩婆若，終不疲厭，是名受無量勤苦不以為厭。」<sup>142</sup>

(5) 「云何菩薩住慚愧處？」

「恥諸聲聞、辟支佛意，是名住慚愧處。

是為菩薩摩訶薩住三地中滿足五法。」

#### (4) 第四地：不捨十法

(1) 「云何菩薩不捨阿蘭若住處？」

「能過聲聞、辟支佛地，是名不捨阿蘭若住處。」

(2) 「云何菩薩少欲？」

「乃至阿耨多羅三藐三菩提尚不欲，何況餘欲！是名少欲。」

(3) 「云何菩薩知足？」

「得一切種智，是名知足。」

(4) 「云何菩薩不捨頭陀功德？」

「觀諸深法忍，是名不捨頭陀功德。」

(5) 「云何菩薩不捨戒？」

「不取戒相，是名不捨戒。」

(6) 「云何菩薩穢惡諸欲？」

「欲心不生故，是名穢惡諸欲。」

(7) 「云何菩薩厭世間心？」

「知一切法不作故，是名(413b)厭世間心。」<sup>143</sup>

(8) 「云何菩薩捨一切所有？」

「不惜內外諸法故，是名捨一切所有。」

(9) 「云何菩薩心不沒？」

「二種識處心不生故，是名心不沒。」<sup>144</sup>

<sup>141</sup> 界＝國土【石】。(大正 25，413d，n.8)

<sup>142</sup> 《大般若波羅蜜多經》卷 415〈18 修治地品〉：「云何菩薩摩訶薩為化有情，雖不厭倦無邊生死而不憍逸？善現！若菩薩摩訶薩為欲成就一切有情，植諸善根嚴淨佛土，乃至未滿一切智智，雖受無邊生死勤苦，而無厭倦亦不自高，是為菩薩摩訶薩為化有情，雖不厭倦無邊生死而不憍逸。」(大正 7，85a1-6)

<sup>143</sup> (1)《放光般若經》卷 4〈21 治地品〉：「『何謂菩薩意與泥洹等？』佛言：『菩薩不有一切諸法。』」(大正 8，28b18-19)

(2)《光讚經》卷 7〈18 蜜十住品〉：「何謂菩薩心不減度？於一切法而無所行故。」(大正 8，197c6-7)。

(3)《大般若波羅蜜多經》卷 416〈18 修治地品〉：「云何菩薩摩訶薩常樂發起寂滅俱心？善現！若菩薩摩訶薩知一切法曾無起作，是為菩薩摩訶薩常樂發起寂滅俱心。」(大正 7，85b7-10)

<sup>144</sup> 《大般若波羅蜜多經》卷 416〈18 修治地品〉：「云何菩薩摩訶薩心不滯沒？善現！若菩薩摩訶薩於諸識住曾不起心，是為菩薩摩訶薩心不滯沒。」(大正 7，85b12-14)

(10) 「云何菩薩不惜一切物？」

「於一切物不著不念，是名不惜一切物。

是為<sup>145</sup>菩薩於四地中不捨十法。」

**(5) 第五地：遠離十二法**

(1) 「云何菩薩遠離親白衣？」

「菩薩出家所生，從一佛界<sup>146</sup>至一佛界，常出家、剃頭、著染衣，是名遠離親白衣。」

(2) 「云何菩薩遠離比丘尼？」

「不共比丘尼住，乃至彈指頃亦不生念，是名遠離比丘尼。」<sup>147</sup>

(3) 「云何菩薩遠離慳<sup>148</sup>惜<sup>149</sup>他家？」

「菩薩如是思惟：我應安樂眾生，他今助我安樂，云何生慳？是名遠離慳惜他家。」<sup>150</sup>

(4) 「云何菩薩遠離無益談處<sup>151</sup>？」

「若有談處，或生聲聞、辟支佛心，我當遠離，是名遠離無益談處。」

(5) 「云何菩薩遠離瞋恚？」

「不令瞋心、惱心、鬪心得入，是名遠離瞋恚。」<sup>152</sup>

(6) 「云何菩薩遠離自大？」

「所謂不見內法故，是名遠離自大。」

(7) 「云何菩薩遠離蔑人？」

「所謂不見外法故，是名遠離蔑人。」<sup>153</sup>

(8) 「云何菩薩遠離十不善道？」

<sup>145</sup> 為=名【石】。(大正 25, 413d, n.11)

<sup>146</sup> 界=國【石】。(大正 25, 413d, n.12)

<sup>147</sup> 《大般若波羅蜜多經》卷 416〈18 修治地品〉：「云何菩薩摩訶薩應遠離苾芻尼？善現！若菩薩摩訶薩常應遠離諸苾芻尼，不與共居如彈指頃，亦復於彼不起異心，是為菩薩摩訶薩應遠離苾芻尼。」(大正 7, 85b22-25)

<sup>148</sup> 慳(く一弓)：1.節約，吝嗇。(《漢語大詞典》(七)，p.705)

<sup>149</sup> 惜：2.愛惜，珍惜。3.捨不得，吝惜。(《漢語大詞典》(七)，p.590)

<sup>150</sup> 《大般若波羅蜜多經》卷 416〈18 修治地品〉：「云何菩薩摩訶薩應遠離家慳？善現！若菩薩摩訶薩作是思惟：『我應長夜利益安樂一切有情，今此有情自由福力感得如是好施主家故，我於中不應慳嫉。』既思惟已遠離家慳，是為菩薩摩訶薩應遠離家慳。」(大正 7, 85b25-c1)

<sup>151</sup> 談處=談說【元】【明】下同。(大正 25, 413d, n.13)

<sup>152</sup> 《大般若波羅蜜多經》卷 416〈18 修治地品〉：「云何菩薩摩訶薩應遠離眾會忿諍？善現！若菩薩摩訶薩作是思惟：『若處眾會，其中或有聲聞、獨覺，或說彼乘相應法要，令我退失大菩提心，是故定應遠離眾會。』復作是念：『諸忿諍者，能使有情發起瞋害，造作種種惡不善業，尚違善趣，況大菩提！是故定應遠離忿諍。』是為菩薩摩訶薩應遠離眾會忿諍。」(大正 7, 85c1-8)

<sup>153</sup> 《大般若波羅蜜多經》卷 416〈18 修治地品〉：「云何菩薩摩訶薩應遠離自讚毀他？善現！若菩薩摩訶薩都不見有內外諸法故，應遠離自讚毀他，是為菩薩摩訶薩應遠離自讚毀他。」(大正 7, 85c8-11)

「是十不善道能障八聖道，何況阿耨多羅三藐三菩提！是名遠離十不善道。」

(9) 「云何菩薩遠離大慢？」

「是菩薩不見法可作大慢者，是名遠離大慢。」<sup>154</sup>

(10) 「云何菩薩遠離自用？」

「是菩薩不見是法可自用者，是名遠離自用。」

(11) 「云何菩薩遠離顛倒？」

「顛倒處不可得故，是名遠離顛倒。」

(12) 「云何菩薩遠離婬、怒、癡？」

「婬、怒、癡處不可見故，是名遠離婬、怒、癡處。」

是為菩薩住五地中遠離十二法。」

#### (6) 第六地

##### A、具足六法

「云何菩薩住六地中具足六法？」

「所謂六波羅蜜。諸佛及聲聞、辟支佛，住六波羅蜜中，能度彼岸，是名具足六法。」

##### B、遠離六法

(1) 「云何菩薩不作聲聞、辟支佛(413c)意？」

「作是念：聲聞、辟支佛意，非阿耨多羅三藐三菩提道。」

(2) 「云何菩薩布施不生憂心？」

「作是念：此非阿耨多羅三藐三菩提道。」

(3) 「云何菩薩見有所索<sup>155</sup>心不沒？」

「作是念：此非阿耨多羅三藐三菩提道。」

(4) 「云何菩薩所有物布施？」

「菩薩初發心時布施，不言<sup>156</sup>是可與是不可與。」

(5) 「云何菩薩布施之後心不悔？」

「慈悲力故。」

(6) 「云何菩薩不疑深法？」

「信<sup>157</sup>功德力故。」

是為菩薩住六地中遠離六法。」

<sup>154</sup> 《大般若波羅蜜多經》卷 416〈18 修治地品〉：「云何菩薩摩訶薩應遠離增上慢傲？善現！若菩薩摩訶薩不見有法可能發起此慢傲者故，應遠離，是為菩薩摩訶薩應遠離增上慢傲。」(大正 7，85c16-18)

<sup>155</sup> 索(ムメツヅ)：7.索取，討取。(《漢語大詞典》(九)，p.746)

<sup>156</sup> 言=信【宋】【宮】。(大正 25，413d，n.17)

<sup>157</sup> 信=住【聖】。(大正 25，413d，n.18)

【論】者<sup>158</sup>言：

**（2）釋第二地中滿足八法**

**A、釋第一法：戒清淨**

「戒清淨」者，初地中多行布施，次知持戒勝於布施。所以者何？持戒則攝一切眾生，布施則不能普周一切。持戒遍滿無量——如不殺生戒，則施一切眾生命；如眾生無量無邊，福德亦無量無邊。

略說：諸能破佛道事，此中皆名「破戒」；離是破戒垢，皆名「清淨」。乃至聲聞，辟支佛心，尚是戒垢，何況餘惡！

**B、釋第二法：知恩報恩**

**（A）雖有宿世因緣，仍需今世有人敬心供養方能受福樂，故應知恩**

「知恩報恩」者，有<sup>159</sup>人言：「我<sup>160</sup>宿世福德因緣應得。」或言：「我自然尊貴，汝有何恩？」墮是邪見，是故佛說：「菩薩當知恩！」

眾生雖有宿世樂因，今世事不和合，則無由得樂。譬如穀種在地，無雨則不生；不可以地能生穀故，言雨無恩。雖所受之物是宿世所種；供奉之人，敬愛好心，豈非恩分？

**（B）知恩是大悲之本，開善業之初門**

復次，知恩者，是大悲之本，開善業初門，人所愛敬<sup>161</sup>，名譽遠聞，死則生天，終成佛道。不知恩人，甚於畜生！

如《佛說本生經》：有人入山伐木，迷惑失道；時值暴雨，日暮飢<sup>162</sup>寒，惡虫毒獸，欲來侵害。是人入一石窟，窟<sup>163</sup>中有一大熊<sup>164</sup>，見之恐怖而出。

熊語之言：「汝勿恐怖！此舍溫暖，（414a）可於中宿。」

時連雨七日，常以甘果美水，供給此人。七日雨止，熊將此人示其道逕。

熊語人言：「我是罪身，多<sup>165</sup>有怨家，若有問者，莫言見我！」

人答言：「爾！」

此人前行，見諸獵者。獵者問言：「汝從何來？見有眾獸不？」

答言：「我見一大熊，此熊於我有恩，不得示汝！」

獵者言：「汝是人，當以人類相親，何以惜熊？今一失道，何時復來？汝示我者，與汝多分！」

此人心變，即將獵者示熊處所。獵者殺熊，即以多分與之。此人展手取肉，二肘俱墮。

<sup>158</sup> （論）+者【元】【明】，者=釋【石】。（大正 25，413d，n.20）

<sup>159</sup> 〔有〕—【聖】。（大正 25，413d，n.21）

<sup>160</sup> 我+（當）【宋】【元】【明】【宮】。（大正 25，413d，n.22）

<sup>161</sup> 愛敬=敬愛【石】。（大正 25，413d，n.23）

<sup>162</sup> 飢=饑【明】。（大正 25，413d，n.25）

<sup>163</sup> 〔窟〕—【聖】【石】。（大正 25，413d，n.26）

<sup>164</sup> 熊=羆【石】下同。（大正 25，413d，n.27）

<sup>165</sup> （常）+多【石】。（大正 25，414d，n.1）

獵者言：「汝有何罪？」

答言：「是熊看我，如父視子，我今背恩，將是此罪！」

獵者恐怖，不敢食肉，持施眾僧。

爾時，上座六通阿羅漢語諸下座：「此是菩薩，未來世當得<sup>166</sup>作佛，莫食此肉！」

即時起塔供養。

王聞此事，勅下國內，不知恩人，無令住此！又以種種因緣讚知恩者，知恩<sup>167</sup>之<sup>168</sup>義，遍閭浮提，人皆信行。<sup>169</sup>

**(C) 人有惡事於我，猶尚應度，何況於我有恩**

復次，菩薩作是念：「若人有惡事於我，我猶尚應度，何況於我有恩！」

**C、釋第三法：忍辱力**

「住忍辱力」者，如忍波羅蜜中廣說。<sup>170</sup>

**※ 釋疑：何以經中但說「於一切眾生無瞋無惱是忍辱力」**

問曰：種種因緣是忍辱相，此中何以但說「不瞋不惱」？<sup>171</sup>

答曰：此是忍辱體——先起瞋心，然後身口惱他。是菩薩初行故，但說眾生忍，不說法忍。

**D、釋第四法：受歡喜**

「受歡喜」者，菩薩見是<sup>172</sup>持戒故，身口清淨；知恩忍辱故，心清淨；三業清淨故，則自然生歡喜。譬如人香湯沐浴，著好新衣，瓔珞莊嚴，鏡中自觀，心生歡喜；菩薩亦如是，得是善法自莊嚴：「戒是禪定、智慧根本，我今得是淨<sup>173</sup>戒，無量無邊福德皆應易得。」以是自喜。

菩薩住是戒忍中，教(414b)化眾生，令得生他方佛前及生天上人中受樂；或令得聲聞、辟支佛乘、佛乘者。觀眾生樂著，如長者觀小兒共戲，亦與之同戲，更以少異物與之，令捨前所好；菩薩亦如是，教化眾生，令得人天福樂；漸漸誘進，令得三乘。以是故言「受歡喜樂」。

<sup>166</sup> 〔得〕－【宋】【元】【明】【宮】。(大正 25，414d，n.5)

<sup>167</sup> 《大正藏》原作「思」，今依《高麗藏》作「恩」(第 14 冊，876a23)。

<sup>168</sup> 之＝人【元】【明】。(大正 25，414d，n.7)

<sup>169</sup> (1) 參見 Lamotte (1980, p.2397, n.1)：《經律異相》卷 11 (大正 53，58c4-23)；《法苑珠林》卷 50 (大正 53，665c20-24)；《諸經要集》卷 8 (大正 54，69b1-19)；《根本說一切有部毘奈耶破僧事》卷 15 (大正 24，177a25-c18)；《大毘婆沙論》卷 114 (大正 27，592b3-c2)；《俱舍論》卷 18〈4 分別業品〉(大正 29，96b20-21)。

(2) 本生：熊〔愛人，人反以示獵者〕。(印順法師，《大智度論筆記》〔H013〕p.404)

<sup>170</sup> 參見《大智度論》卷 14～卷 15 (大正 25，164b1-172a15)。

<sup>171</sup> 《摩訶般若波羅蜜經》卷 6〈20 發趣品〉：「若菩薩於一切眾生無瞋無惱，是名住忍辱力。」(大正 8，258a8-9)

<sup>172</sup> 是＝見【聖】。(大正 25，414d，n.9)

<sup>173</sup> (清)＋淨【石】。(大正 25，414d，n.10)

**E、釋第五法：不捨一切眾生**

「不捨一切眾生」者，善修集<sup>174</sup>大悲心、誓度眾生故、發心牢固故、不為諸佛賢聖所輕笑故、恐負一切眾生故不捨；譬如先許人物，後若不與，則是虛妄罪人！以是因緣故，不捨眾生。

**F、釋第六法：入大悲心**

「入大悲心」者，如先說。<sup>175</sup>

此中佛自說：「本願大心，為眾生故，所謂為一一人故，於無量劫代受地獄苦，乃至今是人集行功德作佛，入無餘涅槃。」

**※ 釋疑：罪不應代受，云何菩薩發願代眾生受苦**

問曰：無有代受罪者，何以作<sup>176</sup>是願？

答曰：是菩薩弘大之心，深愛眾生，若有代理，必代不疑<sup>177</sup>。

復次，菩薩見人間有天祠<sup>178</sup>用人肉血五藏<sup>179</sup>祀羅刹鬼，有人代者則聽。

菩薩作是念：「地獄中若當有如是代理，我必當代！」眾人聞菩薩大心如是，則貴敬尊重之。所以者何？是菩薩深念眾生踰<sup>180</sup>於慈母故。

**G、釋第七法：信師恭敬諮受**

**(A) 若人憍心自高，則法水不入；若恭敬善師，則功德歸之**

「信師恭敬諮受」者，菩薩因師得阿耨多羅三藐三菩提，云何不信恭<sup>181</sup>敬供養師？雖智德高明，若不恭敬供養，則不能得大利；譬如深井美水，若無綆<sup>182</sup>者，無由得水。若破憍慢高心，宗<sup>183</sup>重敬伏<sup>184</sup>，則功德大利歸之；又如雨墮，不住山頂，必歸下處。若人憍心自高，則法水<sup>185</sup>不入；<sup>186</sup>若恭敬善師，則功德歸之。

**(B) 依止善師，戒、定、慧、解脫皆得增長**

復次，佛說依止善師，持戒、禪定、智慧、解脫，皆得增長；<sup>187</sup>譬如眾樹依於雪山，根、(414c) 莖、枝、葉、華、果，皆得茂盛。

<sup>174</sup> 集=習【宋】【元】【明】【宮】。(大正 25, 414d, n.11)

<sup>175</sup> 參見《大智度論》卷 27 (大正 25, 256b13-257c18)。

<sup>176</sup> 〔作〕—【聖】。(大正 25, 414d, n.12)

<sup>177</sup> 代不疑=不疑怠【石】。(大正 25, 414d, n.13)

<sup>178</sup> 祠(ㄘㄣˊ)：2.祭祀。4.祠堂，廟。(《漢語大詞典》(七)，p.904)

<sup>179</sup> 五藏：亦作“五臧”。即五臟。指心、肝、脾、肺、腎。(《漢語大詞典》(一)，p.390)

<sup>180</sup> (1) 踰(ㄩˊ)：同“逾”。(《漢語大詞典》(十)，p.521)

(2) 逾(ㄩˊ)：2.超過，勝過。(《漢語大詞典》(十)，p.1041)

<sup>181</sup> 〔恭〕—【宋】【元】【明】【宮】。(大正 25, 414d, n.15)

<sup>182</sup> (1) 綆=鞭【聖】。(大正 25, 414d, n.16)

(2) 綆(《ㄍㄥˊ》)：1.繩索，汲水器上的繩索。(《漢語大詞典》(九)，p.858)

<sup>183</sup> 宗：9.尊重。亦謂推尊而效法之。(《漢語大詞典》(三)，p.1347)

<sup>184</sup> 伏：12.通“服”。佩服，服氣。(《漢語大詞典》(一)，p.1180)

<sup>185</sup> 〔水〕—【宋】【元】【明】【宮】【聖】。(大正 25, 414d, n.17)

<sup>186</sup> 參見《法句譬喻經》卷 1〈3 多聞品〉：「若多少有聞，自大以憍人，是如盲執燭，照彼不自明。」(大正 4, 579a7-8)

<sup>187</sup> 依止善師功德增長。(印順法師，《大智度論筆記》〔H001〕p.390)

以是故，佛說：「於諸師宗<sup>188</sup>，敬之如佛。」

**※ 因論生論：云何於惡師恭敬供養，視師如佛**

問曰：惡師云何得供養信受？善師不能視之如佛，何況<sup>189</sup>惡師！佛何以故此中說「於諸<sup>190</sup>師尊如世尊想」？

答曰：

**a、唯取其善，不計其惡**

菩薩不應順世間法。順<sup>191</sup>世間法者，善者心著，惡者遠離；菩薩則不然，若有能開釋深義、解散疑結，於我有益，則盡心敬之，不念餘惡。

如弊<sup>192</sup>囊盛寶，不得以囊惡故，不取其寶；又如夜行嶮道，弊人執炬，不得以人惡故，不取其照。菩薩亦如是，於師得智慧光明，不計其惡。

**b、念師方便示現惡事**

復次，弟子應作是念：「師行般若波羅蜜，無量方便力，不知以何因緣故有此惡事？」如薩陀波崙聞空中十方佛教：「汝於法師，莫念其短，常生敬畏！」<sup>193</sup>

**c、但欲自益，不論彼過**

復次，菩薩作是念：「法師好惡，非是我事；我所求者，唯欲聞法以自利益。如泥像、木像無實功德，因發佛想故，得無量福德，何況是人智慧方便能為人說！以是故，法師有過，於我無咎。」

**d、觀法性空，無妄分別**

「如世尊想」者，我先說：「菩薩異於世人。」

世人分別好醜——好者愛著，猶不如佛；惡者輕慢，了不<sup>194</sup>比數<sup>195</sup>。

菩薩則不然，觀諸法畢竟空<sup>196</sup>，從本已來皆如無餘涅槃相；觀一切眾生，視之如佛，何況法師有智慧利益！以能作佛事故，視之如佛。

**H、釋第八法：勤求諸波羅蜜**

「勤求諸波羅蜜」者，菩薩作是念：「是六波羅蜜，是無上正真道因緣，我當一心行是因緣。」

<sup>188</sup> 宗：5.指某一類事物中有統領楷模作用或為首者。6.調作宗主或作首領。（《漢語大詞典》（三），p.1347）

<sup>189</sup> 況+（於）【石】。（大正 25，414d，n.19）

<sup>190</sup> 諸=說【聖】。（大正 25，414d，n.20）

<sup>191</sup> 〔順〕—【石】。（大正 25，414d，n.21）

<sup>192</sup> 弊=敝【聖】。（大正 25，414d，n.22）

<sup>193</sup> 《摩訶般若波羅蜜經》卷 27（大正 8，416c6-9）；《道行般若經》卷 9（大正 8，470c18-472a11）。

<sup>194</sup> 了不：絕不，全不。（《漢語大詞典》（一），p.722）

<sup>195</sup> 比數（尸又、）：相與並列，相提並論。（《漢語大詞典》（五），p.269）

<sup>196</sup> 空+（空）【聖】。（大正 25，414d，n.23）

譬如商人、農夫，隨所適國土所須之物、地之所宜種子，勤修求辦，事無不成；又如今世行布施後得大富，持戒後得尊貴，修禪定、智慧得（415a）道。菩薩亦如是，行六波羅蜜則得成佛。

勤求道<sup>197</sup>者，常一心勤求六波羅蜜。所以者何？若軟<sup>198</sup>心漸進，則為煩惱所覆、魔人所壞。以是故，佛說：「於二地中勤求莫懈！」（二地竟）

### （3）釋第三地中滿足五法

#### A、釋第一法：多學問無厭足

「多學問無厭足」者，菩薩知多學問是智慧因緣，得智慧則能分別行道；如人有眼，所至無礙。是故菩薩作是願：「十方諸佛有所說法，我盡受持！」聞持陀羅尼力故，得清淨<sup>199</sup>天耳力故，得不忘陀羅尼力故<sup>200</sup>。

譬如大海，能受持一切十<sup>201</sup>方諸水；菩薩亦如是，能受持十方諸佛所說之法。

#### B、釋第二法：淨法施

「淨法施」者，如苗中生草，除穢則茂；菩薩亦如是，法施時不求名利、後世果報，乃至為眾生故，不求小乘涅槃，但以大悲於眾生隨佛轉法輪。

#### C、釋第三法：淨佛國土，D、釋第四法：受世間無量勤苦不以為厭

法施<sup>202</sup>相，莊嚴佛國相，受世間無量勤苦，住慚愧處，不捨阿蘭若住處，少欲、知足，如先說。<sup>203</sup>

#### ※ 因論生論，何故唯說二因緣故在生死中不厭

問曰：種種因緣，在生死中不厭；何以故但二因緣<sup>204</sup>說不厭？

答曰：是善根備具故<sup>205</sup>，在生死中苦惱薄少；譬人有瘡<sup>206</sup>，良藥<sup>207</sup>塗之，其痛

<sup>197</sup> [道] — 【宋】【元】【明】【宮】【聖】。（大正 25，415d，n.1）

<sup>198</sup> 軟 = 濡【聖】【石】。（大正 25，415d，n.2）

<sup>199</sup> 得清淨 = 清淨【宋】【元】【明】【宮】， = 得淨【聖】。（大正 25，415d，n.3）

<sup>200</sup> 故 + （故）【聖】。（大正 25，415d，n.4）

<sup>201</sup> [十] — 【聖】。（大正 25，415d，n.5）

<sup>202</sup> 法施，參見《大智度論》卷 11（大正 25，143c-144c4）、卷 22（大正 25，227a19-b22）。

<sup>203</sup> （1）案：「住慚愧處」為第三地菩薩所應行之第五法，後有解說。

「不捨阿蘭若住處，少欲，知足」為第四地菩薩所行十法之前三法，此段文句應置於第四地為宜。

（2）《大智度論》卷 3 雖提及「慚愧、行阿蘭若，少欲、知足」，但僅是敘述摩訶迦葉事緣。參見《大智度論》卷 3〈1 序品〉：

爾時，人民久後懈厭。彌勒佛見眾人如是，以足指扣開耆闍崛山。是時，長老摩訶迦葉骨身，著僧伽梨而出，禮彌勒足；上昇虛空，現變如前，即於空中滅身而般涅槃。

爾時，彌勒佛諸弟子怪而問言：「此是何人？似人而小，身著法衣，能作變化！」

彌勒佛言：「此人是過去釋迦文尼佛弟子，名摩訶迦葉，行阿蘭若，少欲知足，行頭陀，比丘中第一，得六神通、共解脫大阿羅漢。彼時人壽百年，少出多減，以小身能辦如是大事。汝等大身利根，云何不作如是功德？」

是時諸弟子皆慚愧，發大厭心；彌勒佛隨眾心，為說種種法。有人得阿羅漢、阿那含、斯陀含、須陀洹；有種辟支佛善根；有得無生法忍，不退菩薩；有得生天人中受種種福樂。」（大正 25，79a14-28）

<sup>204</sup> 參見 Lamotte（1980，p.2408）：這是指「成熟眾生」與「莊嚴佛界」二事。

<sup>205</sup> 故 = 足【石】。（大正 25，415d，n.7）

差少。

菩薩得善根清淨故，今世憂愁、嫉妬、惡心等悉皆止息；若更受身，得善根果報，自受福樂，亦種種因緣利益眾生，隨其所願；自淨世界，世界嚴淨，勝<sup>208</sup>於天宮，視之無厭，能慰釋大菩薩心，何況凡夫！

以是故，雖有多因緣，但說二事無厭。

#### **E、釋第五法：住慚愧處**

慚愧雖有種種，此中大者，聲聞、辟支佛心。

菩薩發心，欲廣度一切眾生；得少苦惱，便欲獨取涅槃，是可慚愧！譬如有人大設餽饌<sup>209</sup>，請呼眾人；慳吝心起，便自獨食，甚可慚愧！（三地竟）

#### **(4) 釋第四地中不捨十法**

##### **A、釋第一法：不捨阿蘭若住處**

「不捨阿蘭若住處」(415b)者，離眾獨住，若過聲聞、辟支佛心，是名「離眾」。

##### **B、釋第二法：少欲**

一切法以無所得空故，不取不著相；乃至阿耨多羅三藐三菩提亦不取，用無有著心故。

##### **C、釋第三法：知足**

菩薩常集諸功德無厭足，得無上道則足，更無勝法故。

飲<sup>210</sup>食、衣服、臥具知足者，是<sup>211</sup>善法因緣，不以為要，故不說。

##### **D、釋第四法：不捨頭陀功德**

「不捨頭陀功德」者，如後〈覺魔品〉中說。<sup>212</sup>

無生法忍，此中以無生法忍為頭陀。菩薩住於順忍，觀無生法<sup>213</sup>忍。是十二頭陀<sup>214</sup>為持戒清淨故，持戒清淨為禪定故，禪定為智慧故；無生忍法<sup>215</sup>即是真智慧。無

<sup>206</sup> 瘡＝創【石】。(大正 25，415d，n.8)

<sup>207</sup> 藥＝醫【石】。(大正 25，415d，n.9)

<sup>208</sup> 〔勝〕－【聖】。(大正 25，415d，n.10)

<sup>209</sup> 饌＝饌【聖】。(大正 25，415d，n.12)

<sup>210</sup> 飲＝飯【聖】。(大正 25，415d，n.15)

<sup>211</sup> 是＝則【明】。(大正 25，415d，n.16)

<sup>212</sup> (1) 參見 Lamotte (1980, p.2411, n.1)：《放光般若經》卷 10〈47 覺魔品〉(大正 8，72c25)，《摩訶般若波羅蜜經》卷 13〈46 魔事品〉(大正 8，318b13)。

(2) 《正觀》(6)，p.276，n.131：《摩訶般若波羅蜜經》對十二頭陀的說明，是列在〈47 兩過品〉，而不是〈覺魔品〉。《放光般若經》也是列在〈48 不和合品〉(大正 8，74b)。這再一次的說明，《大智度論》所謂〈覺魔品〉重點在觀念，而不一定是說特定的某一品。

<sup>213</sup> 〔法〕－【宋】【元】【明】【宮】【聖】。(大正 25，415d，n.17)

<sup>214</sup> (1) 參見《大智度論》卷 68 (大正 25，537b28-538b16)。

(2) 印順法師，《寶積經講記》，p.228：「十二頭陀行中，衣著方面有二：但三衣、糞掃衣。飲食方面有四：常乞食、不餘食、一坐食、節量食。住處方面有五：住阿蘭若、塚間坐、樹下坐、露地坐、隨地坐。睡眠方面有一：即常坐不臥。」

<sup>215</sup> 忍法＝法忍【宮】【石】。(大正 25，415d，n.18)

生法忍是頭陀果報，果中說因故。

**E、釋第五法：不捨戒**

「不捨戒，不取戒相」者，是菩薩知諸法實相故，尚不見持戒，何況破戒！雖種種因緣不破戒，此最為大<sup>216</sup>，入空解脫門故。

**F、釋第六法：穢惡諸欲**

「污穢<sup>217</sup>諸欲」者，如先說。<sup>218</sup>

此中佛說：「知是心相虛誑不實故，乃至不生欲心，何況受欲！」

**G、釋第七法：厭世間心**

「厭世間心」者，如世間不可樂相<sup>219</sup>中說。<sup>220</sup>

此中佛說厭心果報，所謂無作解脫門。

**H、釋第八法：捨一切所有**

「捨一切所有」者，如先說。<sup>221</sup>

**I、釋第九法：心不沒**

「不沒心<sup>222</sup>」者，先已種種因緣說，菩薩聞是不沒不畏相。<sup>223</sup>

「不生二識處」者，二識處，所謂眼<sup>224</sup>、色中不生眼識，乃至意、法中不生意識。菩薩住是不二門中，觀六識所知皆是虛誑無實；作大誓願：「令一切眾生住不二法中，離是六識。」

**J、釋第十法：不惜一切物**

「不惜一切物」者，不惜一切物中，雖有種種因緣，此因緣最大——所謂菩薩知一切法畢竟空，不憶念，滅一切取相。是故於受者不求恩惠，施中無高心，如是具清淨檀波羅蜜。（四地竟）

**(5) 釋第五地中遠離十二法**

**A、釋第一法：遠離親白衣**

「遠離親白衣」者，行者以妨道故出家，若復習近白衣，則與（415c）本無異。以是故，行者先求自度，然後度人；<sup>225</sup>若未能自度而欲度人者，如不知浮人，欲救於<sup>226</sup>溺，相與俱沒！

<sup>216</sup> 大=夭【明】。（大正 25，415d，n.19）

<sup>217</sup> 污穢=穢惡【明】。（大正 25，415d，n.20）

<sup>218</sup> 《正觀》（6），p.136：參見《大智度論》卷 17（大正 25，181a17-184a25）、卷 5（大正 25，98b26-c12）、卷 35（大正 25，317a16-b14）。

<sup>219</sup> 相=想【宋】【元】【明】【宮】。（大正 25，415d，n.21）

<sup>220</sup> 《正觀》（6），p.136：參見《大智度論》卷 23（大正 25，232a9-b21）。

<sup>221</sup> 《正觀》（6），p.136：參見《大智度論》卷 49（大正 25，413b1-2）。

<sup>222</sup> 不沒心=心不沒【明】。（大正 25，415d，n.22）

<sup>223</sup> 《正觀》（6），p.136：參見《大智度論》卷 41（大正 25，360a5-22）、卷 44（大正 25，378a7-12）。

<sup>224</sup> 眼+（中）【宋】【元】【明】【宮】。（大正 25，415d，n.23）

<sup>225</sup> 先自度後度他。（印順法師，《大智度論筆記》〔E007〕p.298）

<sup>226</sup> 於=淤【石】。（大正 25，415d，n.24）

是菩薩遠離親白衣，則能集諸清淨功德；深念佛故，變身至<sup>227</sup>諸佛國，出家、剃頭、著染衣。所以者何？常樂出家法，不樂習近白衣故。

#### **B、釋第二法：遠離比丘尼**

「遠離比丘尼」者，如初品中說。<sup>228</sup>

#### **※ 釋疑：菩薩應等心視一切眾生，云何不得與比丘尼共住**

問曰：菩薩等心視一切眾生，云何不得共住？

答曰：是菩薩未得阿鞞跋致、未斷諸漏，集諸功德，人所樂著<sup>229</sup>，以是故不得共住。

又為離人誹謗，若誹謗者墮地獄故。

#### **C、釋第三法：遠離慳惜他家**

「遠離慳惜他家」者，菩薩作是念：「我自捨家，尚不貪不惜，云何貪惜他家？菩薩法欲令一切眾生得樂，彼人助我與<sup>230</sup>眾生樂，云何慳惜？眾生先世福德因緣，今世少有功夫，故得供養，我何以慳嫉？」

#### **D、釋第四法：遠離無益談處**

「遠離無益談說」者，此即是綺語，為自心、他心解愁事，說王法事、賊事，大海、山林，藥草、寶物，諸方國土——如是等事，無益於福<sup>231</sup>、無益於道。

菩薩愍念一切眾生沒在無常苦火，我當救濟，云何安坐空說無益之事？如人失火，四邊俱起，云何安處其內語說餘事？

此中佛說「若說聲聞、辟支佛事，猶為<sup>232</sup>無益之言」，何況餘事！

#### **E、釋第五法：遠離瞋恚**

「遠離瞋恚」者，心中初生名「瞋心」，以未定故；瞋心增長事定，打斫<sup>233</sup>殺害，是名「惱心」；惡口讒謗，是名「訟心」；若殺害打縛等，是名「鬪心<sup>234</sup>」。

<sup>227</sup> (往) + 至【宋】【元】【明】【宮】。(大正 25, 415d, n.25)

<sup>228</sup> (1) 《正觀》(6), p.277, n.133: 綜合來說,「遠離比丘尼」可能是「因中說果」,《大智度論》就說:「亦如人食百斤金,金不可食,金是食因,故言食金。佛言女人為戒垢,女人非戒垢,是戒垢因故,言女人為戒垢。如人從高處墮未至地,言此人死,雖未死,知必死故,言此人死。」(大正 25, p.82b10-14)

(2) 《大毘婆沙論》卷 1:「如處處經中於彼彼具立彼彼名,此亦如是,謂如於樂具立以樂名。如伽他說:食所乞食樂,衣隨得衣樂,經行山林樂,棲隱巖窟樂。飲食衣等體實非樂。勝義樂者,謂諸樂受。或有說者亦輕安樂,然衣食等是樂具故,於伽他中亦說為樂;又如於垢具立以垢名,如伽他說:女是梵行垢,女損害眾生,苦梵行所淨,非由水能洗。女實非垢,勝義垢者謂貪瞋癡。然伽他中說女為垢,是垢具故。」(大正 27, 3b20-c3)

<sup>229</sup> 著=者【聖】。(大正 25, 415d, n.26)

<sup>230</sup> 與+ (與)【聖】。(大正 25, 415d, n.27)

<sup>231</sup> [無益於福] - 【石】。(大正 25, 415d, n.28)

<sup>232</sup> [為] - 【石】。(大正 25, 415d, n.29)

<sup>233</sup> (1) 斫=破【聖】。(大正 25, 415d, n.30)

(2) 斫(ㄗㄨㄛˋ): 2.用刀斧等砍或削。3.擊。4.襲擊。(《漢語大詞典》(六), p.1057)

<sup>234</sup> [心] - 【宋】【元】【明】【宮】【聖】【石】。(大正 25, 415d, n.31)

菩薩大慈悲眾生故，則不生是心；常防此惡心，不令得入。

**F、釋第六法：遠離自大，G、釋第七法：遠離蔑人**

「遠離自大、蔑人」者，不見內外法，所謂受五眾、不受五眾。

**H、釋第八法：遠離十不善道**

「遠離十不善道」者，菩薩觀十不善道中過罪種種因緣，如（416a）先說。<sup>235</sup>此中佛說：「十不善道破小乘，何況大乘！」

**I、釋第九法：遠離大慢**

「遠離大慢」者，菩薩行十八空，不見諸法定有大小相。

**J、釋第十法：遠離自用**

「遠離自用」者，拔七種憍慢<sup>236</sup>根本故，又深樂善法故。

**K、釋第十一法：遠離顛倒**

「遠離顛倒」者，一切法中，常、樂、淨、我<sup>237</sup>不可得故。

**L、釋第十二法：遠離姪怒癡**

「遠離三毒」者，三毒義如先說。<sup>238</sup>

又此三毒所緣，無有定相。（五地竟）

**（6）釋第六地之行法**

**A、具足六法〔六波羅蜜〕**

「六波羅蜜」者，如先說。<sup>239</sup>此中佛說：「三乘之人皆以此六波羅蜜得到彼岸。」<sup>240</sup>

<sup>235</sup> 《正觀》（6），p.136：參見《大智度論》卷 13 提到「殺生、偷盜、邪淫、四種口業」（大正 25，154b1-158a27）、卷 46（大正 25，395b21-c18）。

<sup>236</sup> （1）參見《大智度論》卷 85〈73 種善根品〉：「慢、大慢、慢慢、我慢、增上慢、不如慢、邪慢。」（大正 25，657c9-10）  
（2）《阿毘達磨品類足論》卷 1〈1 辯五事品〉：「慢結云何？謂七慢類，即慢、過慢、慢過慢、我慢、增上慢、卑慢、邪慢。<sup>（1）</sup>慢者，於劣謂己勝，或於等謂己等，由此正慢、已慢、當慢，心高舉、心恃箴。<sup>（2）</sup>過慢者，於等謂己勝，或於勝謂己等，由此正慢、已慢、當慢，心高舉、心恃箴。<sup>（3）</sup>慢過慢者，於勝謂己勝，由此正慢、已慢、當慢，心高舉、心恃箴。<sup>（4）</sup>我慢者，於五取蘊等，隨觀執我或我所，由此正慢、已慢、當慢，心高舉、心恃箴。<sup>（5）</sup>增上慢者，於所未得上勝證法謂我已得，於所未至上勝證法謂我已至，於所未觸上勝證法謂我已觸，於所未證上勝證法謂我已證，由此正慢、已慢、當慢，心高舉、心恃箴。<sup>（6）</sup>卑慢者，於他多勝謂自少劣，由此正慢、已慢、當慢，心高舉、心恃箴。<sup>（7）</sup>邪慢者，於實無德謂我有德，由此正慢、已慢、當慢，心高舉、心恃箴。」（大正 26，693a29-b15）  
（3）另參見《阿毘達磨法蘊足論》卷 9〈16 雜事品〉（大正 26，495c15-27），《佛說大乘菩薩藏正法經》卷 17〈5 慈悲喜捨品〉（大正 11，820c22-821a4）。

<sup>237</sup> 淨我＝我淨【宋】【元】【明】【宮】。（大正 25，416d，n.1）

<sup>238</sup> 《正觀》（6），p.136：參見《大智度論》卷 34（大正 25，312b28-c27）。

<sup>239</sup> 《正觀》（6），p.136：參見《大智度論》卷 11～卷 18（大正 25，139a-197b）、卷 29（大正 25，272b20-273a9）、卷 45（大正 25，387b14-388a9）、卷 46（大正 25，394c17-395a12）。

<sup>240</sup> 六度：三乘同行。（印順法師，《大智度論筆記》〔E007〕p.298）

※ 釋疑：何故經說二乘住六度中能度彼岸

問曰：此是菩薩地，何以故<sup>241</sup>說聲聞、辟支佛得到彼岸？

答曰：佛今說六波羅蜜多有所能，大乘法中則能含受小乘，小乘則不能。

B、遠離六法

〔A〕不作聲聞、辟支佛心

是菩薩住六地中，具足六波羅蜜；觀一切諸法空，未得方便力，畏墮聲聞、辟支佛地，佛將護故說：「不應生聲聞、辟支佛心。」

〔B〕布施不生憂心，〔C〕見有所索心不沒，〔D〕所有物布施，〔E〕布施之後心不悔

菩薩深念眾生故<sup>242</sup>、大悲心故、知一切諸法畢竟空故，施時無所惜；見有求者，不瞋不憂；布施之後，心亦不悔。

〔F〕不疑深法

福德大故，信力亦大，深清淨信敬諸佛；具足六波羅蜜，雖未得方便、無生法忍、般舟三昧，於深法中亦無所疑，作是念：「一切論議皆有過罪！唯佛智慧滅諸戲論、無有關失故，而能以方便修諸善法。」是故不疑。（六地竟）

<sup>241</sup> 〔故〕－【宋】【元】【明】【宮】【聖】【石】。（大正 25，416d，n.2）

<sup>242</sup> 故＝說【聖】。（大正 25，416d，n.3）